

Oqaluuserisassat pillugit nassuiaat.

(Inatsisartut Siulittaasoqarfiat)

Immikkoortoq 104, Nassuiaat “2010-miit 2015-imut nunami sumiiffiit pillugit paasisutissiisarnermi Kalaallit Nunaata periusissai – Nunap pissusaa pillugu paasisutissat paasiuminartut”, Naalakkersuisut kissaateqarneratigut oqaluuserisassanit peerneqarpoq. Naalakkersuisut kissaateqarneratigut nassuiaat agguanneqareerpoq.

Immikkoortoq 17, Kalaallit Nunaanni ilinniaqqiffiusuni ilinniartitsinerup qaffasissusaata misissorneqarnissaanik imaqartumik misissuinissamik aallartitsinissamut Inatsisartunut aalajangiussassatut siunnersuut. Misissuineq sanilliunneqarsinnaasariaqassaaq misissuinernut nunani killerni allani ingerlanneqarsimasunut assingusunut, siunnersuuteqartumik tunuartinneqarpoq.

Immikkoortoq 45-p, Koorortuut timmiarsiutillu eqqarasuartartuunngitsut akuersissuteqarnissamik piunasaqaatinut ilanngunneqarnissaat, taamatullu aamma qanoq inissinneqarnissaannut nalunaarsornissaannullu malittarisassaqaarnissaa, sakkunillu pigisaqarnermik tammaasaqarnermillu nalunaaruteqartussaataaqaarnissaaq aammalu sakkunik pineqartunik sakkunillu eqqarasuartartunik inuussutissarsiutigalugu piniarnermut atugassanik pisaarnissamut 16-inik ukioqalereersimanissamik piunasaqaateqalernissaa siunertarlugu Nunatsinni sakkut pillugit inatsisiliornerup sukannernerulersinnissaa anguniarlugu Naalakkersuisut danskit naalakkersuisuinut saaffiginnissuteqarnissamik peqquneqarnissaannik Inatsisartut aalajangiiffigisassaattut siunnersuut, aappassaaneerseqarnissaa Inatsiseqarnermut Ataatsimiititaliap kissaateqarneratut 2010-mi ukiakkut ataatsimiinnissamut kinguartinneqarpoq.

Inatsisartunut ilaasortat Kristian Jeremiassen, Siumut aamma Debora Kleist, Inuit Ataqtigiit, Kim Kielsen, Siumut aamma Isak Hammond, Inuit Ataqtigiit kiisalu Finn Karlsen, Atassut aamma Emilie Kunnak, Inuit Ataqtigiit akornanni taasisarnerit pillugit isumaqtigiissuteqartoqarpoq.

Oqaluuserisassat pillugit nassuiaat.

(Inatsisartut Siulittaasoqarfiat)

Ataatsimiititalianut sinniisoqarfinnullu ilaasortaatitassat nalinginnaasumik ukiakkut katersuunnermi qinerneqartarput, Naalagaaffiit Peqatigiit ataatsimeersuarnerannut Inatsisartut aallartitassaat marluk eqqaassanngikkaanni. Taamaattumik aallartitassanik qinersinissaq avissaartinnata oqaluuserisariaqarparput.

Naatsorsuutigivara piffissaq taamaalereeraluartoq tamanna akerlerineqanngitsoq?